

# HAVAAGHAIT, MUNAQTAGHAIT, HAVAUHILLU

## *Ilihaqtut Maliktaghait*

Ataniqtuqtuiniqmut Ilihimayaghat  
Ayuiqhaiyut Ilihimayaghainik  
Makpiraanguyut Miyanut  
Katimayinullu  
Nunavunmi Nunallaarnit Ilihaiyit Katimayiit



# NAUNAITKUTAT MAKPIQQANUT

<b>QANUQ ATUQTAUYUGHAQ HAPKUA MALIKTAGHAT .....</b>	<b>1</b>
<b>ILITUQHITIT .....</b>	<b>2</b>
Katimayiit Ataniqtuqtuiyt .....	2
<b>HAVAAGHAIIT ILAGIINGNIILLU .....</b>	<b>3</b>
Ilagiingniit Katimayunit .....	3
Ilagiingniit Katimayiit Ahiillu Ikayuqtigijit .....	3
Katimayiit Nunallaarnilu Kivgaqtuiyt .....	4
Katimayiit Havaktiillu Ilagiingniit .....	4
Havaaghait Ilagiingniqmullu Inmingnut-Qauyihautit .....	4
Qaritauyakkuurutinit Naunaiqhiviit .....	5
<b>MUNAQTAGHAIIT.....</b>	<b>5</b>
Katimayiit Munaqtaghait .....	5
Hulivakpa Miyyauyuq?.....	6
Hulivakpat Katimayiit? .....	6
Havaaghaita SAO/CAO.....	7
Aulapkaiiryuat akihaqtuqhugit Titiraliqiyit .....	8
Qaritauyakkuurutinit Naunaiqhiviit .....	9
Munaqtaghainut Inmingnut-Qauyihautit .....	9
<b>HAVAAGHAT HAVAUHIILLU .....</b>	<b>10</b>
Nunallaarnit Kavamait Aullaqtihimayait Ikayuutaillu .....	10
Ihumagillaaqtaghanik Hanayut, Ihuaqnighakkut Parnaiyautit, Maniillu Atuqtauyughat .....	10
Ingilrutit Katimayiit Atuqpagait Ingilravighainut .....	12
Aulapkainiqmut Parnaiyaiyut .....	13
Ihumaliurniqmut Havauhiit .....	14
Ihuinaaqtailiyut Katimatjutigiainut .....	15
Havaaghait Havauhiillu Ingmingnut-Qauyihautit .....	15
Qaritauyakkuurutinit Naunaiqhiviit .....	16
<b>TAIMAAQTIRUTIT .....</b>	<b>17</b>

## QANUQ ATUQTAUYUGHAQ HAPKUA MALIKTAGHAT

*Ataniqtuqtuiniqmut Ilihimayaghat tukliriinguyut ilihaqtaghat hanayauhimayut taapkunannga Nunavunmi Nunallaarnit Ilihaiyt Katimayiit (MTO) ikayuutighait Miyyayunut Katimayinullu ayuqhayaamik ilihimayaghainik ihumaliurniqmik munaqtuniqmklu quahimattiarniqmik ilihimattiarniqmklu.*

Una titiraq, taapkua *Havaaghait, Munaqtaghait, Havauhiillu Ilihaqtut Maliktaghait*, atauhiyuq qaffiuyunik ilauyut ilihaqtaghanut pivighat hapkunuuna aghurnaqqtut unipkaagh.

Ilihaqatauguvit katimaqatauyunik hivuliqtiaqhatik ilihaiyimik, ilihaqtaghanit pivighat iliqahiutihimayut ilittarniqmut qunngiagahaq, ilihaqtut titiraqtaghait, titraqhimayullu qaritauyakkurutinit ilihaitjutighat. Ilihaiyuq tuniniaqqaatit makpiraaqnik ihariagiyaniq ikkuaqtiuniaqhuni ilihaqtillutit apluqtaghat malighugit.

Ilihaqniaruvit ilikkuuqlutit, ilihaqtaghalluat qunngiagtaghamiittut, hamani maliktaghani, ilaunilu qaritauyakkut pivghanitt. Piyuitkuvit huli, qunngiagahaq, maliktaghat, ilaulyullu pivighat qaritauyanit piinnarialgit talvanngat MTO-kut qaritauyakkurutainit.

Ilikkut-ilihaqtnut, qunngiagahaq Ilihaqtullu Maliktaghaat atautikkut atuqtauyughat:

**1. Aullaqtiququtik qunngiagaghanik.**  
Aviktuhimayuq qaffinut ilihaqtaghanut maliguattiaqtuqlu parnaiyaihimayaanit Ilihaqtut Maliktaghainit. Qunngiagahaq iniqtaugumi, nutqaquyauniaqtuq qunngiaqtat hanaqiquyaulutilu ilanganik pitquauhimayut havaaghat.

**2. Havaarilugit havaaghariyatit.**  
Havaaghat iniqhigaangat ilihaqtaghanik taapkuangulaaqtut:

- Ihivriuqhugit nakatait Ilihaqtut Maliktaghainit
- Ihumagiplugit qanuq ihuaqhainahuarniarumik ihuilutinik Katimayiuplutik
- Qaritauyakkurutinik atuqhutik pivighanik qiniqhiaplutik ikayuutauniaqtuq hivunighami

**3. Aullaqtiququtik qunngiagaghanik.** Talvanngat, hivumuuqlutit tuklianut qunngiagaghanit ilihaqtaghanut. Taimaa havauhiit qulaani atuqhimmaqlugit iniqhiilugit tamangnik ilihaqtaghat.

Taimaa, iniqhimalirungni ilihaqtaghat, apiqhuutighaqravut kiuyauphaimaittunik, Katimaqtigiyatit nunallaarniluuniit havaktit kiutjutighaqrungnaqhiyut ilingnut – imaaluuniit nani kiuyaularumik.

Naungmikiaq, quahimavaalliqniaqtatit Katimayiit havaaghait, munaqtaghait, havauhiillu havaarigaangupkit upluq-tamaat havaaghaita Miyyam Katimayiilluuniit.

### QUANAQQUTIT!

MTO-kut ilitariyumayaat aittuutaita ikayuqnikkut taapkua Nunattiami havakviat Nunallaarnik Nunaqatigiillu Ikayuutait, Ilihaqvik Nunallaarnik Kavamaliqiniqmut, titraliuqhugu taamna *Havaaghait Munaqtaghailu Niruaqtauhimayut Hivuliqtiiit Ilihaqhatik Katimavianik Ilihaqtut Maliktaghait* piinnarialik atuqtauyughatut pivighatullu hapkunani makpiraaluiqhimayunut.



## ILITTUQHITIT

Niruaqtauyaamik hivuliqtutit nannganaqtuq havaaghatqiupluni. Niruaqhutik Katimayinut, nunallaarmiut nunallaarnit uqaqhimayut taimaa ukpiruhuktut taimaa ilihimattiaqtutit hivuliqtitianguniaqhutillu hivumuqttilugu nunallaat. Naunaittuqli, niruaqtauhimayut havaktighat munaqtaghaqarluaqtut. Ingattauyuq Katimayiun'ngauguvit, havakvingnit havagiariamik hivulliutauyuq ilihakaffugiamik qanuq munaqtaghaqariaghait qanuqlu iniqpagiamik.

Iltipallianiaqtutit havakvingnit havaqatigivalliaplugit katimaqatigiit, haamlatkut havaktiit, nunallaarmiut, amihullu aallat, iltipalliayaamik ayurnaittunik qilaminnuaq taimaa ilauplutik ilihaqtaghanut, ilihaqtittiyunut, takupkaiyunullu ihumaggilluaqtunik havaanginnik haamlatkut kavamait titraliqiyiillu.

*Una* ilihaqtaghaq ilihaiavaktuq ayurnaittunik ilihimayaghanik haamlatkut kavamainit. Taapkuanguyut:

- Ilauyulluat haamlatkunnit kavamainit **havaagħħitalu** havaarivagait,
- Taapkua **munaqtagħħaita** tamangnik ilauyut iniqhimayaita, taapkualu
- Taapkua uuktuqhimayut-naammagiyauplutiiklu **havauiħiit** ikayuutauyut Katimayinut iniqhvalliyaaamik havaaghainik tamatkiumayumik, ihuaqtukkut, maligat ihumagiaplugit maligaliuqhimayullu.

**NAUNAITTUGHAQ: Hapkunani titirautinit, uquuhiq “nunallaaq” atuqtauvaktuq ilittuqħitiyaamik Haamlanik *taffuminngalu* Nunauyuq Iqaluit.**

## Katimayiit Ataniqtuqtuiyut

Nunavunmi haamlatkut makitapkaivagait maligaliuqhimayukkut taapkuningga Kavamatkut Nunavunmi kavamatuqailuuniit. Malruk *Maligait* havauhighaliuqpaktuq haamlatkunnik kavamaliqiyut: taamna *Nunauyut, Nunallaat Ikluqpaqarvillu Maligait*, tajja atuqtauyuq Nunauyumut Iqalungnit, taamnalu *Haamlatkut Maligait*, atuqtauvaktuq Nunavunmi 24-nguyunit Haamlanit.

Taapkua malruk *Maligait* Katimayinik pitquivaktuq taimaa:

- Ihumagilugit naammainnariamik ihumagiyaitalu nunallaarmiut tamatkiumayutut ilittuqhitilugillu Katimayiit hunanikiaq hivumuqtittivalliyaaamik naammainnariit ihumagiyaitalu inuit.
- Ilaulutik titiraqtuiyunik quayihaiyuniklu maligaghaliuqhimayunik, parnaiyautinik aullaqtittiyaghainiklu nunallaarnit kavamait.
- Ilaulutik katimatillugit Katimayiit Katimayiillu Katimayiralaangit.
- Naunaiqhitihimalugit aulapkaiyaanik titraliqiyaaniklu nunallaarnit kavamait.
- Ilittuqhitittailinahuaqlutik
- Havaaghanik inirahaqlutik havauhirnikiaqluuniit Katimayiit iniqtagħariyainik.

Hakugingnilluat havaaghalluallu Nunavunmi haamlatkut titiraqhimayut talvani malrunnit Maligaqnit unipkaanguyut qulaani, amihuttauq Maligait atuqtauvaktut kitumikiaq havaaghainit haamlatkut kavamait. Taapkuanguyut:

- *Parnaiyaiyut Havaaghaniklu Quayihaiyut Maligait*
- *Nunavunmi Maniliqiniqmut Titraliqiyit Maligait*
- *Nunavunmi Atuinnarialautit Naunaitkutanik Ilitturinnainniqmulu Maligaq*



- Nunavunmi Havakvingnit Aanniaqtailiniq Aanniqtailiniqmulu Maligaq Maliktaghaillu
- Nunavunmi Uqauhilluanut Maligaq
- Nunavunmi Niruaqtut Maligait
- Nunavunmi Irininaqtunut Kiutjuhirnut Maligaq
- Nunavunmi Parnaiyaiyut Havaaghaniklu Qauyihiayit Maligait
- Qinmirnut Maligaq

## HAVAAGHAIIT ILAGIINGNIILLU

Havaaghaita Miyyam, Katimayiit, Angayughiqlu Titiraliqiyit Havaktia/Atanilluaq Titiraliqiyi (SAO/CAO) qitqaniittut ataniqtuqtuiyunit haamlanit Nunavunmi tamaat. Munaqtaghait naunaiqhiityauniaqquq *Ilanga 3-mi:*  
*Munaqtaghait.*

Hamani titiraqhimagayut ihumagilluaqpagait ilauyumik unipkaanut – aghuurnaqniit ilagiittiarniqmut aallatqiiktunik ulapqiyiqahuni. Tuhaqtittigiughutik nunallaarmiut tuhaqtittiyillu, ilihimattiaqhugit inuit ihumagiyait, apiqhuiplutik Katimayiit katimatillutik, angiqatigiighutik, havauhiqattiarahuaqhutik Katimayiit tamatkiumanahuaqhutik ihumaliuqhimataarumik ihumagittiarniqmut ukpiruhungniqmullu ihuaqtauyut haamlatkunni ilauyunut havaaghaita inirahuaqhugit.

Talvuuna, hapkua ilangi ilitturiyauhimayut *ilagiingniq* mighaagut haamlatkunni ataniqtuqtuiyunit.

### *Ilagiingniit Katimayunit*

Ihuaqtumik aulayaamik, Katimayiit havaqatigiiktughat. Ayuqnaqhilaqaatuq, aallanik ihumaqaramik, itqaumayaqaramik, ilihimayaqaramiklu tamangnik Katimayiit havakvingnunngaqpagait. Havaqatigiittiariamik ihuaqtukkut, hapkua havauhittiat maliinnarialgit:

- Naalaklugin ihumagittiaqlugillu ihumagiyaita inuit.
- Ihuaqtunik apiqhuutinik apiqhuilutik Katimayinut havaqatigiiklutiklu ilihimattiariamik kiutjutait.
- Katimaqatauvaklutik angmaumayumik ihumaqarlutik hanatunahuaqtumiklu katimaqatigiingnut pitquhiqattiarlutik.
- Ihumaaluutit unipkaaqlugit, inuunngittumik.
- Angiqhimagiiklutik ihuilutiqagiigiamik ilihimalutiklu taimaa hanatunahuaqtumik aallatqingniit naammaintnaqtut.
- Ilittuqhitittailinahuaqlutik
- Uqaqlutik atauhikkut nipikkut – ihumagittiaqlugit ikayuqlugillu ihumaliugait ihumaliuqtaaraangat.

### *Ilagiingniit Katimayiit Ahiiillu Ikayuqtigiiit*

Katimayiit ilagiikpaktut aallallu ikayuqtigit ilauyullu, taapkuatut aallatqiinggauyut kavamait, timiquit, katimayiit, nanminiit, manigharviit, manighiunngittullu.

Amihuuyut hapkua ilauyut manighaqtittivaktut atauttikkut, katimaqatauvaghutiklu manighaqtittiyamik, nunallaarnit hulilukaqtunik aullaqtihimayainiklu. Havaqatigiiplugit hapkua ilauyut, Katimayiit munariyaghaat taapkua:

- Angirutitaarahuaqlutik taimaalu/uniiit manighautinut ikayuutinullu angirutinik.
- Naunaitkutanik maniliqiniqmullu titiqqanit tunilutik, pitquyaugaangat.
- Ilittuqhitilutik taimaa maligait maligaliuqhimayullu munaqtaghait maliktauyut.
- Naunaiqhitivaklutik aulapkaiyaanut ikayuutainullu.
- Naunaiqhitiyauvaklutik unniutjauvaklutiklu aulapkaiyaanut, ikayuutainut, aulapkaiyaanullu.



## **Katimayiit Nunallaarnilu Kivgaqtuiyut**

Tuhaqtittiariamik ihuaqtauyuq ihuaqtumik ilagiittiariamik nunallaarmiullu timiqtaillu. Aghurnaqtuq katimayiit atauhiqmik nipiqrariamik ihumaliugainut Katimayiit.

Qanuq tuhaqtittigiigiamik nunallaarmiullu taapkuanguyut:

**Katimayiit Katimatillugit** – katimavighait ilittuqhitiyaulutik inuit katimaqatauqulugit. Ilauquitjutinit iliqahtiuyughat katimatjutighait ilittuqhilitugit kitukiat katimaqatauyut.

**Inuit Katimaviinit** – tuhaqtittilugu huuq katimanahuat nanilu katimaniaqhimayut, ingattauyuq katimaniaqhimaguffi ahinit katimayiit katimavianit.

**Aallakkut Tuhaqtittiplutik** – tuhaqtittilutik quahittiarnaqtukkut nunallaarnut, taapkuuatut tuhaayaghait titiqqakkut, titiraqaqvikkut titirakkut, nivingayukkut naunaitkutakkut, naalautikkut, ahikkullu tuhaqtittiyikkut.

## **Katimayiit Havaktiillu Ilagiingniit**

Katimayiit atauhiqmik havaktilgit – taamna Angayughiq Titiraliqiyi / Atanilluaq Titiraliqiyi:

- Katimayiit havaktighaqhiuqpaktut, ikkuaqtuivaktut, qauyihaivaktut, pihimanahuaqpaghugu SAO/CAO.
- Katimayiit titiraqpaktut maligaghaliuqhimayunik ilittuqhitiuyumik SAOm/CAOm ataniqtuqtuvianik munaqtaghainiklu.
- Taamna SAO/CAO havaktighaqhiuqpaktuq, munarivaghugit, taniqtuqpaghugillu tamangnik havaktiit.

Katimayiit ilihimayaghait nutqautaita havaaghainit hiuruyaaruqlugu havaaghaita SAOm/CAOm:

- Katimayiit ilihimayaghaita havaaghaita SAOm/CAOm ahiillu havaktiit.
- Katimayiit ikkuaqtuivaktut maligaghaliuqpaghutiklu haamlatkut titiraliqiyiinut maliktaghainiklu havaaghainit.

## **HAVAAGHAI ILAGIINGNIQMULLU INMINGNUT-QAUYIHAUTIT**

1. Kitut malruk malikkat aulapkaivat Nunavunmi havauhiinik haamlatkut kavamait?  
✓ Ihivriuriamik, **takulugu makpiraq 2.**
2. Kitut ilangi havauhiuyut ikayuutauyut Katimayinut havaqatigiittiariamik?  
✓ Ihivriuriamik, **takulugu makpiraq 3.**
3. Qanuq tuhaqtittihimaniq aullaqtittivalliava ilagiittiariniqmik nunallaarmiunik havakvingniklu?  
✓ Ihivriuriamik, **takulugu makpiraq 4.**
4. Taapku Katimayiit havaktighaqhiuqpakpat, munarivagait, taniqtuqpagaillu haamlatkut havaktiit taapkuu kihiiennaunngittumik SAO/CAO-lu?  
✓ Ihivriuriamik, **takulugu makpiraq 4.**



- Taamna SAO/CAO havaktiillu atuqtittivagait Katimayiit pitquhimayait maligaghaliuqhimayullu inirahuariamik upluq tamaat havaaghaita.
- Ilauttailihimaittumik haamlatkut upluq tamaat havaaghainut, Katimayiit ihuaqhainahuannnginnarialgit ihumaaluutauyunik katimayinut inungnullu.

Niruaqtauhimayutut hivuliqtitut, aghut havakpaktutit nunallaat nunagiyuminaqhinahuaqhugu. Ayuqnaqhivaktuq – inuit tamaita quviahungnianngittut talvuuna uqamiliuttiyauniaqtutit ihumaliugaqnut. Kihimi, nakuuyunik ilagiittiarniqmut havakpakkuvit titraqhimayutut qulaani, kayumiittumik ihumagiyattiarniaqtutit ukpiriyaulutillu taimaa nunallaarmiut ihumaalungnaittaamik taimaa iniqhiyumannaqutit nakuuyunik tamangnut nunallaarmiunut.

## ***Qaritauyakkuurutinit Naunaiqhiviit***

Naunaitiarumaguffi havaaghainik ilagiingniillu, hapkua pivighat ihivriuqlugit

## **Haamlatkut Maligait**

Taamna *Haamlatkut Maligait* qauhittiarnaqtumik ikkuaqtuvaktuq Aviktuqhimayum 24-nguyut Nunallaat qanuq naahuriyauyaaghait havaaghamingnit. Ilanga II Maligaqnit – Ilaita 32, 33-lu – ihumagillaqaqpagait Katimayiit Munaqtaghaita. Atuqlugu una atatarut titiranugiamik Maligaq taimaa PDF-tut.

[file:///E:/Downloads/635423168201875000-314879935-consrsnwt1988ch-1%20\(4\).pdf](file:///E:/Downloads/635423168201875000-314879935-consrsnwt1988ch-1%20(4).pdf)

## **Nunauyut, Nunallaat Ikluqpaqarviillu Maligait**

Taapkuatut *Haamlatkut Maligait, Nunauyut, Nunallaat Ikluqpaqarviillu Maligait* ihariagiyanik ilittuqhitivaktuq, havauhirk, maligaliqiyinillu pitquyahimayut havaaghainut nunallaarnit nunauyunik, nunallaarnik ikluqpaqarvingniklu (tajja Iqaluit avaliittuq).

Maligaq piinnarialik PDF-tut talvanngat:  
[file:///E:/Downloads/635302392195156250-2143437484-consrsnwt1988cc-8%20\(1\).pdf](file:///E:/Downloads/635302392195156250-2143437484-consrsnwt1988cc-8%20(1).pdf)

## **MUNAQTAGHAIK**

### ***Katimayiit Munaqtaghait***

Niruaqtauhimayut Katimayiit ataniqtuqtuiyt timiqtauyut haamlatkut kuapuriissaanit munaqtiuplilik hakugingniinik, tamangnik maligaliqiniqmut titiraliqiniqmulu.

Katimayiit munaqtiuyughat aulapkainiqmik haimaniqmik, malittiarniqmik, nakuuyumiklu kavamanik nunallaarnit. Taimaa iniqhiyaamik, unipkaaqhimayutut hivuanit, Katimayiit kitunikiaq hakugingnilgit *Haamlatkut Maligainit, Nunauyut, Nunallaat Ikluqpaqarviillu Maligait, ahiillu maligaliuqhimayut.*

Kitukiat havaaghat pitquyahimayut ataagut taamna *Nunauyut, Nunallaat Ikluqpaqarviillu Maligait*, taapkualu haamlatkut Katimayinut ihumaliurnaittuq kihimi inirahuariamik. Taapkuatut, tikkuaqtuuyut Angayughiqmik Titiraliqiyimik/Atanilluaqmik Titiraliqiyimik (SAO/CAO) iniqhiyaamiklu ukiuq tamaat maningnut atuqtaghainik havaariyaulluaqtuq.

Katimayiit ihumaliuqhimayunik havaaghalkit. Taimaitpat, ihumaliuqtaghaat Katimayiit iniqhiyaamingnik havaaghainik. Taapkuatut, katimayiralaanik makitapkaiyaamik ihumaliurutigyaamik nutaamik ulapqiviluriamik atauhiyuq Katimayiit ihumaliurnikkut hakugingniita. Katimayiit *aghuuqtauyuittut* katimayiralaanik makitapkaiyaamik.

Tamatkiumayumi, Miyyauyuq Katimayiillu naahuriyauyut taimailiuriamik:

- Nakuuyumik hivuliqtuyaamik kivgaqtuqlugulu nunallaaq tamatkiumayutut.



- Titiraqlugit haamlatkut ihumagiayit irinigiyailu qauhittiarnaqtukkut parnaiyaplutik.
- Makitapkailutik munarilugillu maligaghaliuqhimayut aulapkaiyaillu
- Ihumaliuqlutik – ihumagiplugit naunaitkutalluat nakuuyullu qauyihautit.
- Tuhaqtittiqattaqlutik aulahimaittumik ihuaqtukkullu ilagiingnut, SAO-mut/CAO-mullu, inungnullu.
- Munarittiaqlugit ihuaqtukkullu haamlatkut pivighait.
- Amirnaiqhimanahuaqlugu nunallaaq, aanniaqtailiplutik, aumayaarnaqtumiklu.

Ahiagut taapkua havaaghalluangit Katimayiit, kitukiat havaaghat tuniyauvaktut Miyyamut, Katimayinut, SAO-mut/CAO-mut, haamlatkullu havaktiinut. Hapkua havaaghat unipkaanguyut ataani.

## ***Hulivakpa Miyyauyuq?***

Miyyauyuq takunnatqiayayuq katimayi Katimayinit, aulattiarnialu Katimayiit ihumaliuqtauvaktuq Miyyayum hivuliqtuniagut. Ahiagut taapkua katimayiit havaaghait, Miyyauyuq – angayughiupluni titiraqtilluaq haamlatkunni – ahiaguttauq havaaghaliq.

Uquhilluaq atuqhugu talvani *Haamlatkut Maligainit*, Miyyauyuq piyughaq taimaa:

- Aulapkaittiaqlutik pittiaqlutiklu tamangnik katimaviinit Katimayiit ihumaliuqlutiklu taimaa tamangnik apiqhuitit pittiarniqmut naammagiayayaaghait Katimayinut tamatkiumayutut.
- Hivuliqtiiulutik ikkuaqtuilutiklu Katimayinik.
- Havakpaklutik taimaa tamaita maligait ataniqtuqtuiyut haamlatkunniq aviktuqhimayumiklu maliktauuyaamik.

- Ihuilutauyut tamangnik hugiyuinniqmit, pimmarlungniqmit, ihuinaarniqmillu havaaghainit havaktiit katimayiilluuniit taniqtauniaqtut.
- Katimayiit ilihimapkailugit hunanik pitquyauhimayuniklu havauhiqnik ihuaqhatjutaulaat maniutainik naammainnarnianiklu haamlaktut.
- Atiliqhiqatauluni saliugaqnik akiliqtuutighat kivgaqtuqhugit haamlatkut (hapkua havaaghat tuniyauyuitkumik Katimayimut tikkuaqtauhimayuq Katimayinit).
- Katimayinut ilittuqhitilutik kitumikiaq maniliqiniqmut naunaitkutanik ilittuqhitiyunik hugiyaunngittunik, ihuilutauyunik ihuinaarutimikluuniit makpiraaqnit atugaqniliuniit haamlatkut.
- Ikkuaqtilutik havaktinik haamlatkut kuapuriissaanit.

## ***Hulivakpat Katimayiit?***

Havaaghaita inittiariamik, Katimayiit ihumagittiaqtaghaat nunallaaq ihumagiayitalu hivunighamut. Katimayiit hakugingniit piyumatumiillu naahuriyauvaktut tuhaqtittivauhiigut ihumaaluutinik naammagiinnaqlugillu katimayiit ihumait.

Katimayiit ihumagittiaqtaghait qaffiuyut ilihimayaghat nakuuyumik ataniqtuqtuiyamik:

- Nunallaarmiut ihumagiayit ihumagillaqhugit inmingniinnaunngittumik.
- Quviahuitigittiaqhugu pittiarniit haamlatkut kuapuriissait.
- Pittiaqhutik havauhikkut nakuatullu.
- Ilihimattiaqhugit maligaliqiniqmut nutqautait nunallaarnit kavamait.
- Ihumagittiaqhugit tajja atuqtauyut ihuaqtunullu maligaghaliuqniq
- Ihumagittiaqhugit haamlatkut havaktiit titiraliqiyillu havaaghaita havaktiit.



- Aulapkaiplugu nunallaarnit maligaliqiyit titiraliqiyiit atuqtittivallianiqlu.
- Titiraliqiplutik aviktuqhimayumi kavamatuqailu maligainik mihingnautauyut nunallaarnit kavamanit.

## Havaaghaita SAO/CAO

Angayughiq Titiraliqiyit/Atanilluaq Titiraliqiyi havaktiuyuq Katimayinit tikkuaqtauhimayughaqlu maligaghaliuqhimayukkut malighugit *Haamlatkut Maligait*, Ilanga 43.

Ihumagiplugu uqauhiit Miyaum, taamna SAO/CAO-nguyum havaaghariyait titiraqhimagut *Haamlatkut Maligainit*, Ilanga 47, taimaittaamik:

- Munariyaamik ikkuaqtuilugillu havaaghaita haamlatkut kuapuriissat, havaktiit, ahiillu havaktiit.
- Atuqtittivallialugit maligaghaliuqhimayait Katimayiit.
- Unniqtuivaklutik Katimayinut.
- Ihivriuqlugit naunaiqhitilutiklu tamangnik haamlatkut havaanginnik pitquyauhimayutut Katimayinit.
- Nalauttaaqhimayut manighautait akiliqtuqtaillu iniriiqhimayughat ihumagiplugu *Haamlatkut Maligait*.
- Kaantulaaktitaghaita haamlakut kuapuriissat iniriiqhimatalutik aullaqtitaulutiklu pitquyauhimayutut Katimayinit.
- Havaaghait ahiit iniqhimalugit Katimayiit pitquhimagayit.

SAO/CAO-nguyuq ahnik havaaghiliktauq titiraqhimagut talvani *Haamlatkut Maligainit*. Kihimi, Katimayiit tikkuaqtuinnarialgit ahnik havaktinik maligaghaliuqhimayukkut ihumagiplugu Ilanga 44 havaaghait havaariyaamik tuniyauhimayut SAO-mut. Hapkua havaaghauyut:

- Munarilugu haamlatkut naunaitkutaat nipiqtaluni titiqqanut pitquyauhimayunit.
- Katimaviinit Katimayiit katimaqataulutik titiraqlugillu nalaumayumik tamangnik pigiaqtihimayait, ihumaliugait, havaaghaitu.
- Titiraqlugit munarilugillu katimatjutait titiqqat ahiillu naunaitkutait Katimayiit katimayiralaangilu.
- Munarilugit tamangnik hivullit maligaghaliuqhimayait haamlatkut
- Aajjikkutaliuqhimayunik tunihilutik maligaghaliuqhimayunik katimatjutiniklu ahniklu inuit naunaitaghait titiqqat malighugu *Haamlatkut Maligait*.
- Munarittiaqlugit tamangnik maniutait qutangnaitjutaillu haamlatkut kuapuriissait.
- Katitiqlugit pilugillu tamangnik maniutit nanminiriyait atugauyulluuniit haamlatkunnut.
- Tamangnik maniutit tuniyauhimayut haamlatkunnit maliguattiariamik *Haamlatkut Maligainik* ahniklu ihuaqtut maligaghaliuqhimayut.
- Initiaqhimagunik nalaumayuniklu titiraliqilutik tamangnik manighautinit tuniyauhimayut akiliqtauhimayullu kivgaqtuqhugu haamlatkut.
- Initiaqhimagunik nalaumayuniklu titiraliqilutik atugaqnik tamangnik nanminiinut akiliqtaghainullu haamlatkut akiliqtuqhimayaillu ihilutauyut maniliqiniqmut qanurininganiinut.
- Tamangnik maniliqiniqmut titirautit titiraqhimalutik malighugu *Haamlatkut Maligait* takupqaqtitalutiklu Katimayiit pitquivakkumik.
- Maniliqiniqmut naunaiqhitilutik ihumagittiaqhugu haamlatkut kuapuriissait taamna Ministauyum piyumaniaqtait.



## *Aulapkaiyiryuat akihaqtuqhugit*

### *Titiraliqiyit*

Ihuaqtukkut havaqatiiktut Katimayiit – Aulapkaiyiryuat Taliuyait nunallaarnit kavamanit – SAO/CAO-ngalu havaktiillu – Titiraliqiyit Taliuyait – nakuuyuq tunngaviuyuq haamlatkut havakvigiinnarialgiit. Havaqatigiittiaqtughat aulahimmaaqlutiklu Katimayiit SAO/CAO-nguyuqlu Havaaghalluangit Katimayiit taimaa hivuliqtiiulutik maligaghaliuqlutiklu. SAO/CAO-nguyuq maligaghaliurniqmut unniqtuiyuyuq taimaalu Katimayiit maligaghaliuqhimaayait atuqtauyaaghait munaqtuyuq.


Havaktiit, ikkuaqtipluni SAO/CAO-nguyuq, naunaiqhitihimayaghait Katimayiit

uplumi ihumaaluutauyunik naahuriyainullu. Tamangnik ihumaaluutit qauyihaqttautiaqlutik taimaa Katimayiit ayuqnaittunik aallanik ihumagiyaghaciamik. Titiraliqiyit havaktiit ilihimattiaqtut qauhimattiaqhutik ihariagiyanik Katimayiit taimaa havaaghaita inittiariamik ihuaqtukkut.

Taimaittuq kihimi, aviktuqhimaniit aulapkaiyiryuat maligaghaliuqhimaayainit titiraliqiyamiklu ilitturittiarnaitpaktuq. Mamianaugaluaq, quulliriikpangniaqtut akunngani malruk. Kihimi, tamangnik lauyut ilihimattiarumiuk ahii havaaghaita havaaghaitaluhiliriiikkumik, ihumagittiarutigiikpallianiat tunngaviuttianguluni ataniqtuqtuiyamik haamlatkunnik titiraliqipugit havaaghaita.

### **KATIMAYIIT HAVAKTIILLU NAAHURIYAITA ILAGIINGNIT:**

Qanuq Katimayiit naahurivaghat havaktinit?	Qanuq havaktiit naahurivaghat Katimayinit?
Maliklugit Katimayiit uqauhiit.	Pittiaqlugit ihumagittiaqlugillu havaktiit nunallaarmiullu.
Atuqtittivallialugit maligaghaliuqhimaayut, ihumaliukkat, maligaghaliuqhimaayullu.	Ilihimattiaqlugit havaktiit havaaghait munaqtaghaitaluhiliriiikkumik, ihumagittiarutigiikpallianiat tunngaviuttianguluni ataniqtuqtuiyamik haamlatkunnik titiraliqipugit havaaghaita.
Aullaqtittilutik ayuiqhaqvingnik ikayuutiniklu.	Ilittuqhaqlugit ayuiqhaqviit, ikayuutait, aulapkaiyaillu.
Nakuunnginnarahuqaqlutik havaqatigiplugit ikayuqtauyut inuillu.	Ilaulutik parnaihimalutiklu katimavighainut.
Katimayiit naunaiqhitilugit nalaumayunik naunaiqhitinik, naunaikutanik, uqauhirknliklu ihumaliuttiamik.	Ihuaqtunik, ilaaniyuqnaqtunik, ihumaliuqlutik ihumagiplugit tamangnik naunaitkutat hailiyauhimayut.
Tunihilitik ayuqnaittumik qauhittiarnaqtunik tatqiqhiutit tamaat maniliqiniqmut titiqqanik..	Tuniqhimainnaqlutik Katimayiit ihumaliugainik ikayuqtlugillu havaktiit atuqtittivallianahuqhutik ihumaliugaqnik maligaghaliuqhimaayuniklu.
Pittiaqlugit ihumagittiaqlugillu nunallaarmiut.	Katimayiit nakuugilluaqtagharinngitait ilaita, ilannaita, nanminilgillu havaqatait.
Atuqttilugit tamangnik maligaghaliuqhimaayut naatkutigiiktumik.	Tuniqhihimainnaqlugit malittiaqlugillu haamlatkut maligaghaliuqhimaayait.
Maliklugit maligaliuqhimaayut maligaliqiyillu havaaghaita.	Katimayiit unniqtuilaittut havaktiit havaaghainik atannguyaualittutiklu.
Kiulugit inuit qilamiuqlutik pittiaqhutiklu.	Tuniqhihimainnaqlutik ilihaqtaghanik taapkualu havaamingnik ayuiqhvalliyayut taapkununnga SAO-mut/CAO-mut havaktinullu.



## **Qaritauyakkuurutinit Naunaiqhiviit**

Naunaittiaramik havaaghainik, hapkua ihivriuqlugit titiraqhimayut *Haamlatkut Maligainit*.

## **Haamlatkut Maligait, Ilanga 32.1**

- Ilittuqhitiuyuq Katimayiit havaaghainik.

## **Haamlatkut Maligait, Ilangi 39 – 42-mut**

- Ilittuqhilitugit ahiagut munariyaghait Miyyayum Tuklialu Miyyayum.

## **Haamlatkut Maligait, Ilang 47, 48-lu**

- Ilittuqhilitugit havaaghaita SAO/CAO-nguyuq

Piyuitkuvit huli, atuqlugu una atatarutik titiranunngariami Maligaq PDF-tut.

[file:///E:/Downloads/635423168201875000-314879935-consrsnwt1988ch-1%20\(4\).pdf](file:///E:/Downloads/635423168201875000-314879935-consrsnwt1988ch-1%20(4).pdf)

## **MUNAQTAGHAINUT INMINGNUT-QAUYIHAUTIT**

1. Kitut ilittuqhitiuvat Katimayiit *havaaghariyainik* taapkualu *pitquyahimayut* havaaghainik?  
✓ Ihivriuriamik, *takulugu makpiraq 5*.
2. Ahiagut havaaghaita Katimayitut, kituuvat aallat havaaghait Miyyayut naahuriyauyutut havaaghariyait?  
✓ Ihivriuriamik, *takulugu makpiraq 6*.
3. Katimayinut, qanuriliuqnaqqa hakugingniit ilittuqhitiyaamik atuqtittiyaamiklu Katimayinit?  
✓ Ihivriuriamik, *takulugu makpiraq 6*.
4. Kina munaqtiuva atuqtittivalliayaamik Katimayiit *maligaghaliuqhimayainik*?  
✓ Ihivriuriamik, *takulugu makpiraq 7*.
5. Kituuvat ilangi SAO/CAO-nguyum havaaghalluangit?  
✓ Ihivriuriamik, *takulugu makpiraq 7*.
6. Qanuq naahurivaghat Katimayiit havaktiinit - kipughiplutiklu?  
✓ Ihivriuriamik, *takulugu makpiraq 8*.



## HAVAAGHAI HAVAUHIILLU

Katimayiit amihunik havauhiuliqtunik atuqpaktut inirahaqhugit havaaghaita niruaqtauhimayut. Havauhiit hapkua nutaannguqpaliahimayut ukiunit ikayuriamik Katimayiit ahiillu niruaqtauhimayut timiqutit naatkutigjuktumik havagiamik, iniqhittiaqhutik, ihumaliuttiqaqhutiklu. Ilangi Katimayiit havaaghalluangit – havauhiillu iniqhittiarlamik – unipkaanguyut hamani titiraqhimeyunit.

### *Nunallaarnit Kavamit Aullaqtihimayait Ikayuutaillu*

Haamlatkut munariyalluangat taapkua aulapkainiq ayuiqhaqvingnik ikayuutiniklu taapkuatut:

- Apqutit ahiillu ikluqpaliuqhimeyunit ahiquiyainiq, imautinik anaqniklu kuvvirnik aulapkaiyut, imiqtautituqtut, iqqakurnik agyaqtaqtut, anaqnik kuvihiyut, ahiniklu ikayuutinik aghuurnaqtut aulattiariamik nunallaarnit.
- Nunallaarnik parnaiyaiyut.
- Amiqhiyut irininaqtunullu ikayuutit.
- Ulapqipkainiq, ulapqiyut, inuuhiqattiaqtut, inuuhiqattiarlumullu ayuiqhaqviit.
- Munaqtuyut nunallaarnit nunautainik.

Ahiagullu, haamlatkut ilauvalliaiyut ihumaaluutinut ikpingnautauyunik nunallaarmut taapkualu nunallaarmiut ilittuqhitiyumayainik. Taapkuangulaaqtut manighiurniqmut hanavalliani, pivighanik hanavalliani, inuuhiqattiarlumut ihumaaluutit, aimaviilliurniq, amihuuyullu aallat. Ihumaaluutit hapkuatut ayuqnaqlaaqtut amihuuyullu “taangayut” talvani havaaghalluanit ilitturinnaittut taapkualu pivighat ikittuuplutik.

### *Ihumagillaqtaghanik Hanayut, Ihuagnighakkut Parnaiyautit, Maniillu Atuqtauyughat*

#### **Katimayiit Ihumagiayit**

Ihumagiayita Katimayivit ihumaliuqhima yait ingniyuq ingilratjutauniaqtuq haamlatkunnut nunallaarnitlu hivunighaptingnut piyumayaptingnik. Kiuhvaktuq apiqhuutinik: “Uvagut hunanik, nunallaarmiutut, piyumavik? Naniittumavik ukiuq 20xx tikitpat?”

Taapkuatut, Katimayiit ihumaliuqniaqqut taimaa nunallaarmiut piyumayut “Halumayumik, aulapkaittiqaqhimeyumik nunallaarmik amirnaittumik aumayaqtaumiklu, havaaghalingmik inungnut tamaat, taapkualluanut inulrammiit iniqnirillu”.

Ihumagiayinut Uqauhiq Katimayinut “qulliuvaktuq ikkuaqtuiyuq”. Maligaghaliuraangat ihumaliuraangalluuniit havaaghanut iniqtauyughanik nunallaarmi, apirlutit: ikayuutauniaqqa ihumagiayaptingnut?

#### **Ihuagnighakkut Parnaiyautit**

*Ihumagiayit ilittuqhitiyuq inirumayarnik.  
Ihuagnighakkut Parnaiyautit ingilratjutauvaktuq qanuq iniqniaqhimayarnut.*

Nunallaarnit Ihuagnighakkut Parnaiyautit:

- havakvighaliuqpaktuq hanayaghanut inungniklu tamangnik atauttimut nuhugaqtittuni,
- ikayuutauvaktuq Katimayinut havakvighait munariplugu puiguqtailipluhi hunat aghuurnariamik ihumagiyaamik,
- maliktaghaliuqpaktuq qauhittiarnaqtunik SAO/CAO-nut havaktinullu,
- maliktaghaliuqpaktuq irininaqtuniklu maningnut atuqtaghanut, taimaalu
- hakugighaivagait havaqatigii ilihamaliqtaigut havaqatigiiingnikkut ayuqnaqtunik ihumaliuriamik.



Ihuaqnighakkut Parnaiyautit ilittuqhaivaktuq inirumayainik nunallaarmiut qaffiuyunik ukiunik. Ikkuaqtuvaktut tikkuaqtauyunik irininaqtunik iniqtauyughaniklu. Ilaugumi Ihuaqnighakkut Parnaiyautinut havaaghaliuriamik inulramminut, iriniginiarungnaqhiyaat aullaqtittiniqmik ilihaqtaaqtut-ayuiqhaqvighainik taimaaluuniit ahiquuiyaiyaamik ikluqpangmik inulrammiit katimavighaat.

Maligaghaliuqhimayut aghuurnaraluaqhutik, angiyut ihumaaluutit Katimayiit ihumagilluaqtaghait hivituyumiklu ihuaqhainahuaqlugu Kitukiat

havauhiit, taapkuuatut ihiq munarinahuaqhugu qinmiillu hanguyut, aghuurnaqtut kihimi ihumagilluaqtaghaunngittut. Talvuuna Ihuaqnighakkut Parnaiyautit ikayuutauyut Katimayinut ihumagiyaamik angiyulluaq piksautik.

Nunallaarnit Ihuaqnighakkut Parnaiyautit apqutingnut nunauyariyat. Kitukiat ihumaaluutit nuivalliagaangat, tautuktauyughat ihumagiyaalutik Ihuaqnighakkut Parnaiyautinit taimaa Katimayiit ahikkuuqtailyaamik, ihumagilugit irininaqtut, hangutitaqtaililutik aghuurnaqtunit.

## IHUMAGIYAIT NUNALLAARNILU IHUAQNIGHAKKUT PARNAIYAUTINUT TITIQTAGHAT

Havaaghqaq	Havaaghalluangit
<b>1. Ihumagiyaqnik titiraqlutik</b> <ul style="list-style-type: none"> <li>Ihumagiyaqnik titiraqlutik qanuq timiqutik inniariaghaanik</li> </ul>	<input checked="" type="checkbox"/> Katimalutik unniqtuqtaulutik ikkuaqtuqtaulutiklu SAO/CAO-mit.
<b>2. Titiraqlutik nunallaarnit Ihuaqnighakkut Parnaiyautinik Maningnullu Atuqtaghanik</b> <ul style="list-style-type: none"> <li>Irininaqtut titiraqlugit</li> <li>Ilittuqhailugit ayuiqhaqvighat ikayuutillu</li> <li>Aviktuqlugit pivighat</li> <li>Titiraqlutik maningnut atuqtauyughanik</li> <li>Ilittuqhaqlugit havauhiit piyumayaillu</li> </ul>	<input checked="" type="checkbox"/> Katimayiit ingilravighainik iniqhivaktut irininaqtuniklu <input checked="" type="checkbox"/> SAO/CAO havaktiillu titiraqpaktut Ihuaqnighakkut Parnaiyautinik Maningnullu Atuqtaghanik Katimayiit pitquhimagumik <input checked="" type="checkbox"/> Katimayiit ihivriuqpagait angiqpaghugillu Ihuaqnighakkut Parnaiyautit Maningnullu Atuqtaghanik
<b>3. Atuqtittilugu nunallaarnit Ihuaqnighakkut Parnaiyautit</b> <ul style="list-style-type: none"> <li>Aulapkailutik ayuiqhaqvingnik ikayuutiniklu</li> <li>Titiraliqilutik aulapkaiyaanik</li> </ul>	<input checked="" type="checkbox"/> SAO/CAO havaktiillu Katimayiit pitquhimayaatut
<b>4. Munarilugit qauyihaqlugillu nunallaarnit Ihuaqnighakkut Parnaiyautait</b> <ul style="list-style-type: none"> <li>Ihvriuqlugit naunaitkutat havaktinit</li> <li>Ihvriuqlugit aulapkaiyut ayuiqhaqvingnik ikayuutiniklu</li> <li>Ihvriuqlugit maniit atuqtauyughat maniliqiniqnullu titirautit</li> <li>Uqaqatigilugit nunallaarmiut</li> <li>Piyumayaita piyauyaaghait naunaiqhilutik ihuaqtauuyaaghainiklu</li> </ul>	<input checked="" type="checkbox"/> Katimayiit munarivagait Ihuaqnighakkut Parnaiyautit <input checked="" type="checkbox"/> SAO/CAO havaktiillu naunaiqhitivagait naunaitkutaniklu tunivaghut taimaa ihuaqtukkut munaqhiyaamik qauyihaiyaamiklu
<b>5. Titiratqiklugit nunallaarnit Ihuaqnighakkut Parnaiyautit Maningnulluuniit Atuqtaghanut ihuaqqat</b> <ul style="list-style-type: none"> <li>Aallannguqtirilugit parnaiyautit maniilluuniit atuqtauyughat iharianaqqat</li> </ul>	<input checked="" type="checkbox"/> Katimayiit angiqpagait aallannguutit Ihuaqnighakkut Parnaiyautinut Maningnulluuniit Atuqtauyughanut <input checked="" type="checkbox"/> SAO/Cao naunaiqhitivaktuq unniqtuivaghutiklu aallannguutinut Ihumagiyaainik Ihuaqnighakkullu Parnaiyautinut



## Maniit Atuqtauyughat:

Kingulliqpaamit, Maniit Atuqtauyughat qauhittiarnaqtunik, naunaittiarnaqtunik naunaitkutaqaqtut qanuq aviktauniaqmangaat maniit ikayuriamik Ihumagiyaita irinigiyaital

Ilittuqhitiyaamik, maniit atuqtauyughat naunaitkutauyuq maniliqiniqmut parnaiyautinik ilittuqhitiyuq qanuq nunallaaq munariniariaghainik maniutainik inuutainiklu. Talvunga kinguanut, maniit atuqtauyughanit ilauyut hapkua:

- Maniliqiniqmut parnaiyautit nalauttaaqtunik maniutainik tuniyauyughanik atuqtauyughaniklu.
- Aulapkainiqmut ikkuaqtiiyuq ilittuqhitivaktuq hulilukaaqtanik, ikayuutinik, havauhirkniklu.
- Parnaiyainiqmut ikkuaqtiiyuq havakvighaliuqpaktuq hivunighami maniliqiniqmut havaaghanik.

## Ingilrutit Katimayiit Atuqpagait Ingilravighainut

### Maligaghaliuqhimayut

Katimayinut ilaupluit, nunallaarnit maligaghaliuqtiuyut, havangniaqhimaplutit nakuuyumik maligaghaliurniqmut ihumaliuriamik. Qanuq taimaa qauhinnaqqa? Hunauyuq maligaghaliuqhimayut?


Niruaqtauyumayutit ihumaliuqhimagavit aghuurnariyaqnik nunallaarnut, ihumaaluutigiyatit, aallannguqtirumayatit ihumagiyatillu nunallaarnut. Ilaupluni nuutiqpallianiqliqmut nunallaarmiunit talvunga niruaqtauhimayumut hivuliqtimut, havaqatigiingniqmut, maligaghaliuqtit, havakpaktutik iliqahtiuyaamik ihumagiyatit taapkualu Katimayiqativit taimaa atauttimut havagahuariamik.

Maligaghaliuqhimayut taapkuangulaaqtut atuqtittivallianiqliq mik maligaghaliuqhimayunk

## MANILIQIYIT MUNAQTAGHAI

Ilitturinnaqtunik naunaitkutat haamlatkut maningnut atuqtaghainik ahniklu maniliqiniqmut havauhiit ilihainnarialgit talvani Kavamaliqiyyut Havauhiit Ilihaqttaghat. *Maniliqiyit Munaqtaghais* ilhaitjutit, ilihaqtaghalik qunngiaqtaghamik 30-niklu makpiralik Ilihaqtum Maliktahaat, piinnarialgit NMTO-kut qaritauyakkurutainit ([www.nmto.ca](http://www.nmto.ca)). Una ilihaqtaghaq naunaitkutalik taapkununnga:

- Katimayiit Havaaghait Maningnut Atuqtauyughanit
- Maningnut Atuqtauyughat Havauhiit
- Aulapkainiqmut Maniit Atuqtaghat
- Angiyunut Parnaiyautit Atuqtauyughallu
- Maniliqiniqmut Havauhiit
- Maniliqiniqmut titirautit
- Ukiuq tamaat ihivriuqhiyut



taimaa qinmiit anuhimayaamik  
inuqarniqmi taimaaluniit nunallaarmiunik  
atutqiktittinahuaqtut hunanikiaq.  
Taimailingalaaqhunilu tuhaqtittiyut  
iniqniaghimayainik taapkuuat kikliliuriamik  
nunanik atuqtittiyaamik, havaktighaqhiurniq  
nalvaaqhiuqtaghanik hanavalliyunik,  
havagahuarumikluunit nunallaarni  
aanniaqtailiniqmut. Ukiuq tamaat maniit  
atuqtauyughat, Ikluqpaghaliuqvinggaut  
Parnaiyautit, parnaiyautillu ihuaqnighakkullu  
havauhighat maligaghaliurniqmut uqauhiuyut.

### **Hivuliqtuniqmut Maligaghaliuqhimayut**

Hivuliqtuniqmut Maligaghaliuqhimayut  
ilittuqhitivaktut qanuq Katimayiit aulavaktughat.  
Hapkua angirutauvaktut apuqhiqvianut,  
havauhirnut, iniqniaghimalutiklu aulapkaiplutik  
Katimayinik. Iliqahiutilaaqtait atuqpauhiit  
Katimayiralaangit Katimayiit, havauhirnik  
inungnit tuhaayumaplutik, ihumaliurniqmullu  
havauhirnik. Atauttikkut, uqauhiqaqtumik  
taiyauyughaq:

- Miyyauyuq Katimayiillu ilagiingniit  
atauttimut nunallaarmiunullu.
- Katimayiit ilagiingniat SAO/CAO-lu.
- Nutqautit SAO/CAO-m atannguyaupluni.

### **Maligaghaliuqhimayut**

Maligaghaliuqhimayut maligaghauyut  
nunallaarnit. Taapkua Kavamatuqait Kanatami  
Kavamaillu Nunavunmi maligaghaliuqpaktut,  
taapkualu nunallaat maligaghaliuqhimayukkut.

Katimayiit hakugingnilgit maligaghaliuriamik  
talvani Haamlatkut Maligait, talvanilu  
*Nunauyut Nunallaat Ikluqpaqaqviillu*  
Maligait, aallallu ilauyat maligaliuqhimayut  
(taapkuuat, *Qinmiqnut Maligaq, Parnaiyaiyut*  
*Havaaghaniklu Qauyihiayit Maligait, Nunavunmi*  
*Irininaqtunut Havauhiit Maligait*, qanuqlu).  
Maligaghaliuqhimayut pingahuiqtuqlutik  
taiguaqtauyughaq maligannguqtinnagu. Taimaa  
nunallaarmiut tuhaqtittiyaamik havauhiinut.

### **Pigiaqtitauhimayut**

Pigiaqtitauhimayut ilittuqhitivaktut  
havaariyumayainik Katimayiit  
taamna ihumaaluutauhimaghaarumik  
ihumaliuqtauhimattiarumilu katimayinit.  
Havauhirnit ilauyat hapkua:

- Ighivautalik (Katimayiluuniit)  
takupkaqtitaiyuq pigiaqtitaghamik  
Katimayinut.
- Katimayium pigiaqtittiniaqtuq,  
aippiqtuqtauluni inungmit.
- Ighivautalik unipkaarutigivagait  
pigiaqtitauhimayuq, naatkutigiiktumik  
ihumaliuqtiplutik akihaqtuqtunik  
angiqhimayuniklu.
- Katimayiit aniguqtipagait akimavaghutiklu  
pigiaqtitauhimayumik angiqhimagiighutik,  
amigaitqiayit niruaqhimaplutik.
- Katimayiit ihuaqhailaaqtut  
titiratqiklutikluuniit pigiaqtitauhimayunik  
havauhiit atuqtittivallianiqmut atuqhugit.

### **Aulapkainiqmut Parnaiyaiyut**

Titirariamik angiqhiyaamiklu parnaiyautinik  
aghurnaqtuq havauhiq Katimayinit taimaa  
aulattiariamik ayuqnaittumik ihuaqtumiklu.  
Parnaiyautinut ilauyat:

- Angiyunut Niuvigaghanut Parnaiyautit
- Irininaqtunut Parnaiyautit
- Nanminiqnik Munaqtuyut Parnaiyautit
- Ulapqiniqmut Parnaiyautit
- Havaktighaliqiyit Parnaiyautit
- Qulliqturniqmut Parnaiyautit

Tamangnik ataaguuqtughat piksaulluaqmut  
nunallaarnit Ihuaqnighakkut Parnaiyautinut  
ikayutigilugu Katimayinut, havaktinut  
nunallaarmiunullu kitut aghurnaqtut  
tajja qanuriliurniariaghalla hivunighami  
ihariagiayinut.



## Ihumaliurniqmut Havauhiit

Unipkaaqhimayutut, Katimayiit ihumaliugait uquauhiuvaktut taimaaluu/uniit maligannguqpaktut aniguqtitiplutik maligaghaliuqhimayunuk, nunallaarnit maligaghanik, pigiaqtittiplutiklu. Katimayitut, taimailiuqpaktut pigiaqtittiplutik.

## Pigiaqtitauyut

Tamangnik Katimayiit havaariyaghait ilittuqhיתivaktut pigiaqtittiplutik. Tamangnik pigiaqtitauyut aippiqtuqtaulutik ilittuqhityaamik unipkaaqtaghanik hunauyunut. Ighivautalik pigiaqtitauhimayuq uqaqhugu unipkaquivaktuq akirautigiluguluuniit.

Ighivautalik ilaunginnarialik akiraqtuutiyunut pigiaqtitauhimayumik kihimi ighivautaa tunihimataarumiuk tuklianut Miyyamut ahinulluuniit katimayimut, taamma Tuklia Miyyayum huitkumi. Ighivautalik utiqzikpaktuq ighivautaanut unipkaariyautaaqqat akiraqtuutiyunit.

Pigiaqtittigaangamik, angmaumavaktuq unipkaaqtaghaq akiraqtuutiyaghagu. Unipkaangat munarivagaat ighivautalgum. Pitquhiuvaktuq tamangnut katimayinut,

ahiagut pigiaqtittiyuq, uquauhiqariamik atauhiugaluumik tamangnut pigiaqtihimayunut. Ighivautalik naammagiinnarumiuk unipkaariyait pigiaqtitauhimayumut, tamangniklu katimayiit nipliquyahimayumik, ighivautalik pigiaqtqikpakaat niruaquivaghunilu.

Aallatqiiktut pigiaqtitauyut atuqtauvaktut aallatqiingnut atuqtainut. Tahapkuatut:

## Pigiaqtitauhimayuq ihuaqhayaamik

pigiaqtitauvaktuq aallannguqtiryaamik ihuaqhayaamikluuniit pigiaqtitauhimayuq taamna pigiaqtitauhimayuq niruaqtautqiktinnagu. Pigiaqtitauhimayuq angmaumavaktuq ihuaqhaqtauuyaamik talvunga apiqhuutauvighaanut (niruaqtittigumik). Ihuaqhaityutighanut aippiqtuiyuqaqtughaq taamna hivulliq pigiaqtitauhimayuq aippiqtuqtauhimayumi.


## Pigiaqtittiyut Hapummihimayaamik

atuqtauvaktuq pigiaqtittiyaamik utiqvighattumik ihumaliuqtaghaq kihimi pigiaqtitqiktaulaaqtuq amihuutqiyat katimayiit ihumaliurumik. Pigiaqtittihimayut “hapummihimayaamik” taimaaluuuniit “ikpatingmiipkaqlugu” taimaililaqinnaqtuq.

## HAVAUHIGHAT KATIMAYIIT KATIMAVIINIT

Pivighatqiuyuq naunaiqhivigiyamik qanuq Katimayiit katimavagiaghait talvaniittuq *Nunavunni Maliktaghat Katimayiit Katimatillugit*. Piinnarialgit talvani Pivighat ilangannit NMTO-kut qaritauyakkurutainit ([www.nmto.ca](http://www.nmto.ca)), the Guide provides information on:

- Aallatqiingniit katimaviit (katimaviit, ahiittunut katimayut, irininaqtunut, ilitturinnaittukkullu)
- Katimayunit havaaghat
- Katimayut katimatjutighait
- Havauhilluat
- Parnaiyayut katimatjutinik titiqlanik
- Katimayiralaat



- Havauhiit Maligaghaliuqhimayunut
- Maliktaghat Pittiarniqmut

## Pigiaqtittiyut Kinguvaqtittiyamik

Katimayiit ihumaliurumagumitku pigiaqtitauhimalraaqtuq kinguani katimavianit, kitumikiaq katimavianit. Pigiaqtitauhimayuq pigiaqtitaunginnarialik akiraqtuqtauhimagumiluuniit pigiaqtitauhimayuq kinguvaqtittiyumayumik.

## Pigiaqtittiyut Katimahuiriamik

atuqtauvaktuq katimavigiyaat taimaariamik ihumagihuiriamikluuniit apiqhuutinik. Ihuaqhaqtaulaittuq akiraqtuqtaulaittuqlu taimaalu atauttikkut niruaqtuqtauyughaq.

Hapkua ilittuqhilit ikittuugaluit aallatqiingnit pigiaqtihimayunik atuqtauvaktut Katimayiit katimagaangamik. Unipkaat pigiaqtittiniqmut naunaittiarnaqtumik ilittuqhilitihimayut talvani MTO-kut makpiraangit atilik *Nunavunni Maliktaghat Katimayiit Katimatillugit.*

## Ihuinaaqtailiyut Katimatjutigiainut

Niruaqtuuhimayutut hivuliqtitut, aghuurnaqtuq taimaa ihumaliuqtaililutik ihumaliuqhimavumut

manikkut ikayuutauniarumik ilingnut iklumiujatingnulluuniit. Taimainniqqat ihuinaarutauyuq katimatjutigiainut.

Katimayi piniaqhimapluni pittailihimapluniluuniit manikkut ikayuqtauyumaniaqtuq ihumaliugainut Katimayinut Katimayiralaanginulluuniit, taamna Katimayi taimailiyughaq:

- tuhaqtilluni taimaa ihuinaarutilik katimatjutigiainut taimaalu titiraqtuuhimayughaq katimatjutainit,
- unipkaaqataulaittuq nirualaittuqluuniit katimatjutigiainut (amihut Katimayiit atuqtittivagaat maligaghaliuqhimayuq, havauhiqluuniit, taimaa taapkua Katimayiit ihuinaarutilgit anihimallaklutik katimavianit unipkaariayutillugu), taimaalu
- aghuuqhanngillugit ihumaliugait qanukiaq – hivuanit, katimatillugit kinguaniluuniit katimaviat.

## HAVAAGHAIT HAVAUHIILLU INGMINGNUT-QAUYIHAUTIT

1. Huuq Katimayiit *Ihumagiainut Uqauhiqaqqat?*  
✓ Ihivriuriamik, *takulugu makpiraq 10.*
2. Qanuq taamna *Ihuaqnighakkut Parnaiyautit ilauva Katimayiit Irinigiyainut Inirumayainullu?*  
✓ Ihivriuriamik, *takulugu makpiraq 11.*
3. Hunauyuq *maligaghaliuqhimayuq?* Ilittuqhilitaaqqit ilangi Katimayiit maligaghaliuqhimayainik nunallaarnit?  
✓ Ihivriuriamik, *takulugu makpiraq 12.*
4. Qaffinik *taiguaqtauvaktughat maligaghaliuqhimayuq maligautinnagu?*  
✓ Ihivriuriamik, *takulugu makpiraq 13.*
5. Qanuq havauhiqaqqa *pigiaqtitauhimayut?*  
✓ Ihivriuriamik, *takulugu makpiraq 14.*
6. Kitut pivighat atuinnarialgit ayuqliqaqpallirumaguvit havauhiqnik atuqtauvaktut Katimayiit katimatillugit?  
✓ Ihivriuriamik, *takulugu makpiraq 14.*
7. Hunauyuq ihilutit katimatjutauyunit? Qanuriliuqtughauvit ihilutiqaruvit katimatjutauyunit?  
✓ Ihivriuriamik, *takulugu makpiraq 15.*



## *Qaritauyakkurutinit Naunaiqhiviit*

### **Havakviat Nunallaarnik Kavamaniklu Ikayuqtiiit (CGS)**

Nunallaarnik Hanavalliaayut Havakviat  
Havakvianit Nunallaarnik Kavamaniklu  
Ikayuqtiiit (CGS) munaqtuyut hanavalliaayunik  
aulapkaiyuniklu ayuiqhaqvingnik  
ikayuutiniklu hakugighaiyut ikayuqtuiyullu  
haamlatkut kavamainit. Hapkua iniqtauvaktut  
manikkut ikayuqtauplutik aulapkaiplutiklu  
maligaliuqhimayunik havakvighanik taimaa  
nunallaarmiut hivuliqtiiut kiuhiyaamik  
aallannguqtaqtunik ihariagiyanut haamlatkut  
kavamaita aviktuqhimayumi.

Havakvingnit havaktiit ikayuqpagait haamlatkut  
unniqtuiplutik hivituhiplugit ikayuutait  
taapkununnga havaktunut haamlatkut kavamainit.  
Atauttikkut unniqtuqauplutik nunallaarnit  
hanavalliaayut havaktiinit ilihaqpaalliqhutiklu  
katimatillugit nunallaarnit hivuliqtinut.  
Ilittuqhitighat hunaqutit taapkuanguyut  
makpiraat, maliktaghat naunaiqhitillu  
hailiyauhimayut atuqtauyughat haamlatkut  
titiraqtinuit, katimayinit inungnillu.

Naunaitiarumaguffi hivayaqlugu  
aviktuqhimayumi havakvingnik:

### **Qikiqtani Aviktuqhimayumi**

Nunallaarnik Kavamaniklu Ikayuqtiiit  
Nunallaarnik Hanavalliaayut  
Titiraqaqviat 330 Kinngait, Nunavut X0A 0C0  
Hivayaut (867) 897-3605  
Kayumiktukkut: (867) 897-3633  
Qaritauyakkut titiraqaqviat:  
[cgs.qik.cd@gov.nu.ca](mailto:cgs.qik.cd@gov.nu.ca)

### **Kivalliqmi Aviktuqhimayumi**

Nunallaarnik Kavamaniklu Ikayuqtiiit  
Nunallaarnik Hanavalliaayut  
Titiraqaqviat 490 Kangiqliniq, Nunavut X0C 0G0  
Hivayaut (867) 645-8125  
Kayumiktukkut: (867) 645-8143  
Qaritauyakkut titiraqaqviat:  
[CommunityDevelopmentRI@gov.nu.ca](mailto:CommunityDevelopmentRI@gov.nu.ca)

### **Qitiqmiuni Aviktuqhimayumi**

Nunallaarnik Kavamaniklu Ikayuqtiiit  
Nunallaarnik Hanavalliaayut  
Titiraqaqviat Iqaluktuutiaq, Nunavut X0B 0C0  
Hivayaut (867) 983-4129  
Kayumiktukkut: (867) 893-4003  
Qaritauyakkut titiraqaqviat:  
[CGSCommdevkit@gov.nu.ca](mailto:CGSCommdevkit@gov.nu.ca)

### **Havakvilluangat**

Nunallaarnik Kavamaniklu Ikayuqtiiit  
Nunallaarnik Hanavalliaayut Havakviat  
Titiraqaqviat 490 Kangiqliniq, Nunavut X0C 0G0  
Hivayaut (867) 645-8119  
Kayumiktukkut: (867) 645-8143  
Qaritauyakkut titiraqaqviat:  
[CGS.CD.HQ@gov.nu.ca](mailto:CGS.CD.HQ@gov.nu.ca)

### **Haamlatkut Katimayiit**

Haamlatkunnut katimayiit Nunavunmi ilauyat  
taapkua Nunavunmi Katimayiit Katimayinut  
(NAM) taamnalu Nunavunmi Katimayiit  
Nunallaarnit Titiraliqiyinik (NAMA).  
Naunaitiarumaguffi hapkuninnga katimayinik  
hivayaqlugit havaktiit talvani:

### **Nunavunmi Katimayiit Katimayinik**

Titiraqaqviat 4003  
Iqaluit, Nunavut X0A 0H0  
Qaritauyakkut: [edofnam@northwestel.net](mailto:edofnam@northwestel.net)  
Qaritauyakkurutaat:  
[www.nunavutcommunities.ca](http://www.nunavutcommunities.ca)  
Hivayaut: (867) 979-3327  
Kayumiktukkut: (867) 979-3112



**Nunavunmi Katimayiit Nunallaarnit**  
**Titiraliqiyinik**  
**c/o Haamlatkut Ikluligaaryuk**  
Titiraqaqviat 10  
Ikluligaaryuk, Nunavut X0A 0B0  
Hivayaut: 867-898-9926  
Kayumiktukkut: (867) 898-9108

**Nunavunmi Nunallaarnit Ilihaiyit Katimayiit**  
Nunallaarnit Ilihaqtittiyut Timiqutaat manighiunngittut timiqutauyut, makitauhimayuq February 2003-mi. Havaqatigiliqtut taapkua Nunavunmi Katimayiit Nunallaarnit Titiraliqiyinik taapkualu Havakviit Nunallaarnik Kavamaniklu Ikayuqtii aullaqtittiyaaamik timiqutinik “ilittuqhiyaamik, hanayaamik atuqtittiyaamiklu ayuiqhaqvingnik taimaa haamlatkut havaktiit ilihimayaamik qauyihimayaamiklu ikayuutauyughanik nakuuniqhanik haamlatkunni ayuiqhaqvingnit ikayuutinilu aviktuqhimagumi tamaat.”

**Nunavunmi Nunallaarnit Ilihaiyit Katimayiit**  
Titiraqaqviat 1509  
Iqaluit, Nunavut X0A 0H0  
Qaritauyakkut: [info@nmto.ca](mailto:info@nmto.ca)  
Qaritauyakkurutait: [www.nmto.ca](http://www.nmto.ca)  
Hivayaut: (867) 975-5346  
Kayumiktukkut: (867) 975-5340

## TAIMAAQTIRUTIT

Nakuuyumik ataniqtuqtuiyaamik havaauhiyuq hakugighaiyuq nakuuyunik kuapuriissanit hivuliqtinik...


... kivgaqtuqhugit tamangnik nunallaarmiut,  
... ihumagilluaqhugit naammainaqniat tamatkiumayumik nunallaarmiut,  
... tuniqhihimaplutik haamlatkut angiqtauhimayainik ihumagiayainik, havaaghainik, inirumayainiklu, taimaalu  
... munaqtiuplutik kivgaqtuittiaqhutik.

Taimaittaamik, Katimayiit ilitturinnaqtughat, angmaumayughat, ukpirnaqlutik, havauhiqattiaqlutik naahuriyauyutut taimaa:

- havaqataulutik,
- ihumagittiaqlugit titiraliqiyit havaktiillu,
- nipiqaqlutik atauhiqmik talvuuna Miyyakkut,
- havauhiit ihuariyaulutik kivgaqtuittiaqlutiklu,
- havayuklutik naammainaqlutiklu havaqatigiit, taimaalu
- kivgaqtuqhugit nakuuniqhakkut ihumagiayainik nunallaarmiut.

Niruaqtauhimayutit nuatqatingnit atuqtitauyaamik haamlatkut pivighainik qauhimattiaqtumik taimaa nunallaat nayugatqiuyaamik havakviuyaamiklu. Naammainaqlutik hapkunani aghurnaqtunik havaaghanit!





© Nunavunmi Nunallaarnit Ilihaiyt Katimayiit, 2020